



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

XLV. Bruning von Leppin verkauft Leppin und Cerne dem Kloster
Arendsee, am 21. März 1322.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

militibus Thiderico, Bernardo et Wernero fratribus dictis de Schulenborch eciam ad manus dicti monasterii in hiis scriptis promittimus, quod cum dictum monasterium ius pheodale dictarum Curiarum, quod Wlgares lenwere nominant, siue proprietatem ipsarum Curiarum a domino Marchione procurare quiuerit, Extunc sine omni contradictione debebimus et volumus resignare. In cuius rei Testimonium presentem litteram Sigillorum nostrorum appenfionibus, qui Sigilla habuimus, atque Sigillorum dominorum frederici et henninghi fratrum de Gartowe, necnon dominorum Thiderici, Bernardi et Weneri fratrum de Schulenborch predictorum affixionibus fecimus consignari. Datum Arnfe, Anno domini M°. CCC°. XIX°. XIII°. kalendas Junii.

XLIV. Die Herzogin Anna vereignet dem Kloster Arendsee eine Hebung aus Gr. Ellingen, am 31. Mai 1320.

Nos Anna, dei gracia ducissa Slesie dominiacque Wratislaviensis et Arneborch, recongnoscimus publice per presentes, Quod deuotis in Cristo personis in Arnfe monialibus proprietatem vnus chori filiginis adiacentis in Curia Petri de Steghe et heysonis de Arneborch in magna Ellinge dedimus et presentibus donamus perpetuis temporibus duraturis. Testes huius sunt Henninghus konningesmarke, Helyas kannenborg, Philippus Eycstede, heyzo Bertekowe, Et alii quam plures fide digni. Datum Arneborch, In huius rei euidentiam, Anno domini M°. CCC°. XX°. Sabbato post festum corporis Christi, nostro sub Sigillo.

XLV. Bruning von Leppin verkauft Leppin und Cerne dem Kloster Arendsee, am 21. März 1322.

Omnibus hoc scriptum visuris siue auditoris Bruninghus dictus de leppyn, famulus, affectuosam ad omnia voluntatem. Que prouidorum virorum felix ordinat sapiencia, solent scripturarum fulciri testimonio, ne postmodum ambiguitatis scrupulus immisceatur. Ergo presentibus litteris profiteor et protestor, volens meum rationabile factum ad noticiam tam presencium quam futurorum peruenire, quod matura deliberacione prehabita Cum consensu omnium legitimorum heredum meorum, quorum nunc interest aut interesse poterit in futurum, rite et rationabiliter vendidimus honorabili viro domino Thiderico, plebano in Gartowe, preposito in Arneffe, et Conuentui monasterii ibidem duas villas, videlicet leppyn et Cerne, absque quolibet dominorum seruicio, Cum omnibus suis attinenciis, scilicet Terris, Nemoribus, Agris cultis et colendis, Cum aduocacia et pensionibus et cum omni Jure, quod vsque ad hec tempora in hiis habui vel in futuro habere

poteram, Jure hereditario libere in perpetuum possidendas. Vt predicta vendicio per me legitime facta tam a me quam a meis, qui pro tempore fuerint, successoribus inuiolabiliter obseruetur, Ergo quoque in huius facti euidenciam et memoriam perhennem presens scriptum sigilli mei appensione duxi roborandum. Testes huius contractus sunt Dominus Albertus de Brezeke, prepositus in Creuese, Dominus Gherardus, plebanus in Gladegowe, presbiteri, Henninghus et arnoldus fratres de Rossowe, henninghus et henricus fratres de Jeditze, Nicholaus de Gore, Buffo de Gore, fredericus de molendorpe, famuli, et alii quam plures fidedigni. Nos vero quidam ex testibus supra nominatis ad maiorem certitudinem premissorum et euidens testimonium Sigilla nostra presentibus duximus litteris apponenda. Datum et actum anno domini M^o. CCC^o. XXII^o., In dominica Letare qua cantatur.

XLVI. Herzogin Agnes von Braunschweig überläßt dem Kloster Arendsee das Eigenthum von Leppin, am 6. Juni 1322.

In nomine domini Amen. Dei gracia Agnes, ducissa Brunfwicccensis, vniuersis Cristi-fidelibus presentem paginam inspecturis Salutem et de bono in melius proficisci. Hominum Actiones propter temporis varietatem solent in obliuionem redigi et ex consequenti in errorem, qui est obliuionis mater. Ideirco necessarium est circa easdem et maxime circa tales Actiones, que diuinum cultum conspiciunt, litterarum perhenne testimonium, cum non possint alias perhennari. Quapropter nos Agnes predicta in noticiam presencium et futurorum hominum deducere cupimus per presentes, quod propter deum principaliter Ac in salutare Remedium Animarum nostre ac nostrorum progenitorum dominorum marchionum quondam Brandenburgerisum clare memorie, necnon Ad deuotam Instanciam Jordani de Camp, fidelis nostri Aduocati, dedimus et presentibus litteris sollempniter donamus proprietatem veram et plenam super villam leppin Atque omnium pertinencium Ad eandem monasterio sanctimonialium in Arneffe Ac ipsis Sanctimonialibus presentibus et futuris perpetuo et pacifice cum omnibus suis metis et distinctionibus Agrorum, lignorum, pascuorum ceterorumque, de quibus specialis foret facienda mencio, possidendam, Renunciantes sollempniter dicte proprietati, quoad nos et nostros quolibet successores, et ne de hoc facto apud posteros dubium vel contencio oriatur, Hanc litteram de consensu expresso domini et ducis Brunfwicccensis, conthoralis nostri karissimi, dari iussimus, nostri Sigilli Robore sigillatam. In presencia Testium videlicet Ludolfi de hollege et Bertoldi de veltem militum, necnon hermanni de Luchowe, nostri Notarii, ad hoc specialiter vocatorum. Datum Thangermund, per manum hermanni eiusdem. Anno domini M^o. CCC^o. XXII^o., dominica trinitatis.